



16 **BAKEA, JUSTIZIA ETA INSTITUZIO SENDOAK**



HELBURUA:

Garapen jasangarrirako gizarte baketsu eta inklusiboak sustatzea, guztioi justiziarekiko sarbidea erraztea eta erakunde eraginkorra eta inklusiboak sortzea maila guztietan

16. GJH honetan bizikidetzaren, herritarren segurtasuna eta bakearekin lotutako alderdiak hobetzea da helburua, baita udalaren kontu ematea eta gardentasuna ere.

Horretarako ondorengo arloak lantzen dira...

1. Bizikidetzaren eta segurtasuna
2. Partaidetzaren, gardentasuna eta kontu ematea
3. Elkartegintza

ZEIN PUNTUTAN DAGO ZARAUTZ?


Bizikidetzaren eta segurtasuna

Bizikidetzaren eta segurtasuna dira gizartearen ongizatearen oinarrietako bat. Zarautzen erregistratutako delituen indizea **mila biztanleko 28,86 delituko** zifrara iritsi da 2020 urtean (Udalmap), balore hau Gipuzkoa (%29,51) eta EAEkoa (%33,92) baino baxuagoa delarik.

Orokorrean Zarautz herri seguru da, EAE mailan Zarautz 146. postuan kokatzen delarik delituen indizeari dagokionez.

20.000 biztanle baino gehiagoko udalerriak kontutan hartuz, 5 udalerri bakarrik dute delituen indize baxuagoa: Amorebieta-Etxano (%16,69), Arrasate-Mondragon (%18,98), Getxo (%24,22), Durango (%24,91) eta Santurtzi (%26,59).

Zarautz uda eta neguan oso udalerririk desberdina bada ere, batez ere dagoen jende kopuruagatik, delituen indizeak ez dira asko aldatzen.



Iturria: Udalmap

Zarautzen 1.000 biztanleko 1,68 udaltzain daude 2020 urtean (Udalmap), EAEn 15 udalerrik bakarrik dutelarik udaltzaingo dotazio altuagoa.

Gaur egun Zarautzen delitu nagusienak bi dira: **Internet bidezko iruzurrak eta bizikleta lapurreak**.

Segurtasuna eta bereziki emakumeen segurtasuna bermatu nahian, 2013an Puntu beltzen mapa egin bazen ere, gaur egun mapa hori zaharkitua geratu da eta berau eguneratzeko beharra dago. Segurtasunarekin lotuta, aipatzekoa da baita ere gaueko taxi zerbitzua eskaintzen dela.

Mugikortasun jasangarri eta seguru bat bermatze aldera **bide heziketa programa** eramaten da aurrera udaltzain sailetik ikastetxe eta maila guztietan.

Partaidetza, gardentasuna eta kontu ematea

Udalaren **antolaketa eta koordinazioa sustatu eta gardentasun** sendotzeko helburuarekin, 2015etik udal sailen arteko koordinazio hobetzeko antolaketa eredu berria jarri zen martxan, gaur egun mantentzen dena, 3 gune dituen: Lurraldea, Antolaketa eta Herritarrak.

Egitura honek batetik, udal langileen parte hartzea, koordinazioa eta informazioa handitzea ekarri du eta bestetik, udal barruko antolaketa hobekuntza hauek herritarren parte hartzea sustatzea ahalbidetu du.

Partaidetza sustatzeko moduan eboluzioa eman da, departamentu gehienek partaidetza lan egiteko modu hori beraien egunerokoan txertatu baitute. Hainbat departamentuk parte hartze mekanismo sektorialak martxan dituzte, batzuk modu egonkorrean eta beste batzuetan proiektu konkretuen inguruan sortzen direlarik parte hartze espazioak.

Gardentasun eta kontu emate arloan ere udalak aurrerapauso ugari eman ditu, herritarrek informazioa ezagutzeko duten eskubidea bermatzeko mekanismoak martxan jarriz Udaleko web orriko "Gardentasuna" atalaren bitartez.


Gardentasun ariketa gisa, aurrekontu parte-hartzaileak sustatu dira 2011tik aurrera, kanal desberdinak zabaltzen direlarik: aurrez-aurreko partaidetza saioak, udalerrian zehar banatutako postontziak, proposamenak egiteko helbide elektronikoa (partehartu@zarautz.eus) eta web orria.

Elkartegintza

Zarautz herri dinamikoa da, elkartegintza sare sendoa eta aktiboa duena. Eusko Jaurlaritzako elkarten erregistroan 223 elkarte daude izen emanda Zarautzen (konpetizio kiroletako elkarteak kontutan hartu gabe).

Elkarten gehiengoa elkarte kulturalak dira nabarmenki (%64), hemen sartzen direlarik ondorengo arloak sustatzea helburu dutenak: kultura, arte eszeniko eta plastikoak, kirol ez konpetitiboa, gastronomia eta aisialdia.

Hauetaz gain kirol konpetitiboan aritzen diren elkarte ugari daude.



Iturria: Elkarten erregistroa

Elkartegintzaren oinarriko izaera pertsonak bolondres gisa parte hartzen dutela kontuan hartuz, elkarteek pertsona asko mugitzen eta aktibatzen dutela esan daiteke.

EKIMEN ESANGURATSUAK

1.

Zarauzko bizikletak erregistratzeko sistema



Zarauzko bizikletak erregistratzeko sistema:

Sistema honen bidez, bizikleten lapurretak saihesten dira. Udaletxean dagoen erregistro fitxa baten bidez eta honi lotutako bizikletan jartzen den pegatina baten bidez lapurtutako bizikletak berreskuratu daitezke. Sistema hau 2011tik dago martxan.

3.

Web guneko gardentasuna



Web guneko gardentasun atala, zeinetan herritarrek udaleko funtzionamendu eta kontuen inguruko informazio ugari kontsultatu dezaketen.

2.

Bide heziketa



Bide heziketa, zeinetan dinamika partehartzaileen bidez gaitasun berriak landu ondoren, mugikortasuneko ingurune "errealean" aplikatzen diren.

4.

Parte hartzea



Parte hartzea gaur gaurkoz ez da ekimen puntualetara bakarrik mugatzen, lan egiteko era gisa txertatua dago Zarauzko udalean.